

Iqmal terima anugerah kecemerlangan YTAR

MUHAMMAD Iqmal Hisham Kamaruddin, 24 mencipta sejarah tersendiri buat Universiti Sains Islam Malaysia (USIM) apabila menjadi graduan pertama USIM menerima Anugerah Pingat Tunku Abdul Rahman sejak ia diperkenalkan oleh Yayasan Tunku Abdul Rahman (YTAR) pada 2010.

Graduan Ijazah Sarjana Muda Perakaunan, Fakulti Ekonomi dan Muamalat (FEM) ini merupakan penerima Anugerah Pelajaran DiRaja - Pingat Jaya Cemerlang dalam Majlis Konvokesyen Ke-12 USIM pada tahun lalu. Iqmal menerima Anugerah Pingat Tunku Abdul Rahman daripada Menteri Pendidikan II merangkap Pengerusi Lembaga Pemegang Amanah YTAR, Menteri Pendidikan II, Datuk Seri Idris Jusoh, dalam satu majlis khas di Memorial Tunku Rahman Putra, Kuala Lumpur baru-baru ini.

Beliau yang ditemani kedua ibu-bapanya menerima pingat perak padu 32gm dan wang tunai RM3,000 yang juga merupakan pelajar penerima Anugerah Dekan bagi setiap semester pengajian, penerima Anugerah Tokoh Siswa Kebangsaan anjuran Kementerian Pendidikan bagi Kategori Pemimpin Program Pengucapan Awam Terbaik 2013 dan Anugerah Tokoh Perdana Siswa USIM 2013 selain berjaya mewakili



IDRIS JUSOH (dua dari kanan) beramah mesra dengan **Muhammad Iqmal Hisham Kamaruddin** (dua dari kiri) dan pemenang lain dalam satu majlis khas di Memorial Tunku Rahman Putra, Kuala Lumpur baru-baru ini.

Malaysia ke pertandingan debat World Heritage Youth Forum Qatar 2014.

Muhammad Iqmal ketika ditemui berkata, beliau bersyukur dan bangga dengan kejayaan ini kerana segala sumbangan dan penglibatan dalam aktiviti di universiti dan Malaysia mendapat

pengiktirafan oleh YTAR.

"Kejayaan ini membutuhkan graduan USIM juga mampu bersaing dan mendapat tempat di peringkat kebangsaan. Alhamdulillah, saya kini sedang melanjutkan pengajian dalam bidang Sarjana Ekonomi dan Pentadbiran Muamalat di USIM melau

tajaan Skim Felo Siswazah USIM. Saya menyimpan hasrat yang tinggi untuk meneruskan pengajian ke peringkat Doktor Falsafah dan kembali mencurahkan bakti dan ilmu di USIM semula sebagai seorang pensyarah kelak," ujarnya.

Anugerah ini merupakan simbol penanda aras kecemerlangan bakal pemimpin sejajar dengan matlamat, visi dan misi penubuhan YTAR pada 1966. Pingat ini adalah simbolik usaha yang tidak mengenal penat lelah seorang graduan mendokong aspirasi YTM Tunku serta penubuhan YTAR.

Kecemerlangan sifat kepimpinan yang penuh wibawa, ketinggian akhlak peribadi, pengkayaan sendiri yang berterusan seiringan dengan kecemerlangan academia graduan.

Untuk melayakkan diri dipertimbangkan bagi menerima pingat ini, seseorang graduan Sarjana Muda IPTA mesti mencapai purata nilai gred kumulatif (PNGK) sekurang-kurangnya 3.80 dan sangat aktif serta mencapai kecemerlangan dalam bidang kokurikulum sepanjang pengajian.

Pada majlis ini, turut menerima pingat adalah dua orang graduan Universiti Putra Malaysia (UPM) dan seorang daripada Universiti Tun Hussein Onn (UTHM).